

Inatsisartut aalajangiiffigisassaattut siunnersuut, Naalakkersuisut peqquneqassasut kingusinnerpaamik juni 2016-ip ingerlanerani Inatsisartuni partiit isumaqatiginiareerlugit saqqummiutissagaat, innuttaasut inuunermut ulorianaateqarsinnaasunik nappaateqartunut ilaquataasut 2017-imiit Danmarkimi napparsimasut angerlarsimaffianni akeqanngitsumik najugaqarsinnaanissaannut aqqutissiuussissallutik.

(Inatsisartunut ilaasortaq Mimi Karlsen, Inuit Ataqatigiit)

Akissuteqaat

(Peqqissutsimut Naalakkersuisoq)

Aappassaaneerpeqarnera

Aallaarniutigalugu Naalakkersuisut sinnerlugit aalajangiiffigisassatut siunnersuutip suliarineqarneranut atatillugu Ilaqutariinnut Peqqissutsimullu ataatsimiititaliap sukumiisumik sulilluarsimaneranut qujavunga. Naalakkersuisut nuannaarutigalugu maluginiarpaat ataatsimiititap isumaqatigiissup Naalakkersuisut allannguutissatut siunnersuutaannut atortussanngortinneqarnissaannut isumaqataanera.

Ataatsimiititaliap ilaatigut nalilersuinerminni pingaartillugu nalilersimavaa Naalakkersuisunit allannguutissatut siunnersuut allaffissornikkut pisariillisaanerussasoq, aamma amerlanernik uninngasoqaraluarpat aammalu ilaquataasunut iluaqutissatut. Taakkuupput allannguutissatut siunnersuummut tunuliaqutaasut.

Taamatut oqaaseqarlunga allannguutissatut siunnersuut Inatsisartuni nangeqqillugu suliareqqinneqarnissaannut ingerlateqqippara.